

I Hila' i Mañaina  
Michael Lujan Bevacqua  
2019

**Masângan na pátte (spoken)**

Mañainâ-ta, Mañe'lu-hu  
Atan hit pã'go  
Makkat i lina'la'-ta gi mismo tano'-ta  
Mantaiguinife hit na taotao  
Mantaiputi'on hit na taotao  
Kao malingu todú tinangga?  
Ilek-hu âhe'  
Ilek-mãmi âhe'!

**Masângan na pátte (spoken)**

Mañainâ-ta, Mañe'lu-hu  
Atan hit pã'go  
Hunggan makkat i lina'la'-ta gi mismo tano'-ta  
Lao anggen ta na'lã'la' i kotturã-ta  
Anggen ta gu'ot i fino'-ta  
Siempre mangaiguinife hit na taotao ta'lo  
Mangaiputi'on hit na taotao ta'lo  
Ya gaitinangga hit ta'lo put i tiempon mamaila

**1. Primet na Betsu**

Homhom i langhet  
Bãba i sinat siha  
Pãkyon tinilaika - gi oriyã-ta

Mãngge i pilan (ayugue!)  
Mãngge i puti'on siha (ayugue!)  
I mañainâ-ta umi'ina – i chalan mo'na!

**Koru (Chorus)**

I hila' i saina (Ta prutehi)  
I tiningo' i mañaina (Ta adahi)  
I minesngon i manmofo'na (Ta susteni)

**2. Segundo na Betsu**

Gi hanom tiempo siha  
Chaochaochao i tasi  
Kao manabak hit? – ilek-ta âhe'

Mangginiha hit mo'na (Fo'na! Fo'na!)  
Ni hemplon i mañaina (I manmofo'na!)  
Ta tungo' i chalan – kao para ta tattiyi?

**Koru (Chorus)**

I hila' i saina (Ta prutehi)  
I tiningo' i mañaina (Ta adahi)  
I minesngon i manmofo'na (Ta susteni)

**3. Tetset na Betsu**

Manggaige hit gi sakman  
I sakman i taotao-ta  
Taiamanu para ta su'on – su'on gui' mo'na!

Ta usa i tiningo' (i mañaina)  
Komo un tu'los (tu'los i taotao)  
Ya ini na tinemtóm – u su'on hit mo'na!